

I.
B. 157. C

NOS CAROLUS 1702

Dei Gratiâ, Suecorum, Gothorum, Vandalorumq; REX, Magnus Princeps Finlandia, Dux Scania, Esthonia, Livonia, Carelia, Brema, Verda, Stettini, Pomerania, Cassubia, & Wandalia; Princeps Rugia. Dominus Ingria, & Wismaria; necnon Comes Palatinus Rheni, Bavaria, Iuliaci, Ciivia, & Montium Dux.

BIBLIOTHECA
VNI. IACELL.
GRACOVENSIS



33.071. III.
Notum testatumq; facimus omnibus & singulis, quorum interest, aut quomodolibet interesse poterit, quod cum relatum est Nobis, non paucos Inclytæ Reipublicæ Polonæ Senatores, Dignitarios, Nobiles, cæterosq; Incolas, adventu Exercitus Nostri vehementer esse consternatos, utpotè quem Aula Regia Polona, Eiusq; affectæ, falsissimis criminationibus deferunt, ad eò insolere, ut prædia Nobilium atq; Ecclesiasticorum sine discrimine diripiat, gravissima tributa extorqueat, omniaq; faciat, quæ ab hoste patrari solent; hanc autem famam constat in eum finem esse ab ijs disseminatam, ut mens Reipublicæ hisce accusationibus intenta, de primis hujus belli, quod insciâ Republicâ motum est, autoribus non cogitaret, neq; recordaretur ingentia illa mala, quæ à Rege Poloniæ Reipublicæ inflicta sunt, multo minùs illa, quæ ad evertendam Reipublicæ libertatem jam diu molitur, prævideret: Ideo nè distortæ ejusmodi calumniæ in animis Ordinum & Incolarum Regni Poloniæ invalescerent, sinistramq; de integerrimis Nostriis erga Rempublicam studijs excitarent opinionem, necessarium duximus hisce iterare illa, quæ toties ad Rempublicam scripsimus, & simul noxias Regis Poloniæ machinationes, quas Ipse cæteri q; malevoli tanta anxietate celare cupiunt, omnibus in propatulo ponere. Notum enim est, quod postquam FRIDERICVS AVGVSTVS Elector Saxonie, Diadema Polonicum per scissionem Ordinum invasisset, inductis in viscera Regni peregrinis copijs, quarum auxilio liberæ Gentis suffragia oppressit, adeoq; violavit Cardinale illud libertatis Jus, quod in unius Nobilis contradicentis voce consistit: Ab illo tempore, violentum regimen continuando, omnes curas cogitationesq; in eo defixit, ut, eversâ Republicâ, absolutum Imperium acquireret. Quapropter Saxonicum militem, sine consensu Reipublicæ accersitum, non modo pertinaciter retinuit, sed etiam, ut eum in perniciem Reipublicæ aleret, Provincias Regni Poloniæ gravissimis exactionibus

od H. Bukowski 90 } a (1702 & tri-

& tributis subjecit. Cum iniquissimis extorsionibus fessus Ordo Equestris, Constitutione Comitiali sanxisset, ut intra spatium sex hebdomadarum exiret vastator miles, simulabat quidem se consentire, donec eidem Constitutioni eludendæ novos dolos neceret. Interea in nullo puncto Pacta Conventa & fidem juratam Reipublicæ servavit, adimplevitq; sed omnia pro suo arbitrio & libidine, tanquam in illimitato Dominio, facere aggressus est. Legationes ad externos, Reipublicæ nomine, sed absq; ejus scientiâ & jussu misit. Fœdera cum Moscorum Czaro, infensissimo Polonis vicino, clanculum percussit, arctissimamq; amicitiam contraxit, ut ejus ope validior, Liberam Rempublicam in Dominationem converteret. Ab altera parte, ut munimenta Reipublicæ interciperentur, connivebat, varijsq; artibus annixus est, ut fundos Reipublicæ contra luculentam sanctionem, quæ Anno 1631 facta est, sui juris efficeret. Vt autem eò tectius destinata sua perficeret, Senatum in arduis negotijs, quæ ad Rempublicam pertinerent, exclusit, adhibitis è Saxonia Consiliarijs infamibusq; quibusdam, quos flagitia sua alijs Regnis expulerant. Horum perniciosis consilijs usus, nihil non attentavit, contemptâ Nobilitate Polonica, & eò quoq; adactâ, ut mancipia Saxonum adoraret. Hæc indigenis ubiq; prælata: his honores mandati: his etiam custodia corporis credita, ut fastidium erga Polonos ostenderet, & parata haberet servitutis instrumenta. Quos servitio promptissimos, & in Reipublicæ perniciem venales deprehenderat, hos extollere, cæteros premere, & odijs sævissimis persequi non destitit. Atq; ut diffidentiam inter Indigenas, & odiorum semina latius spargeret, sæpè vacantem unam dignitatem in plures simul contulit. Vnde omnia in Rep: disturbata, discordijs & dissensionibus plena, & in omnem licentiam effusa libido, cum justitiam exulare juberet, & quævis crimina impunita sineret. Nôrunt utiq; omnes, & etiamnum gemunt, dissidiorum, quibus Lithvania hodie ardet, fomitem ab eo accensum, Nobilesq; & Illustres Familias ab eo invicem commissas, ut, alterutram partem fovendo, omnes tandem opprimeret. Quæ adeo ei successerunt, ut partim ipsius exercitu, qui stativa in Lithvania habuerat, partim discordijs illis internecinis, ad deplorandam & abominabilem desolationem Nobilis iste Ducatus redigeretur. Ex ejusmodi machinationibus documenta capi possunt, exitiosam valdè hujus Regis fuisse intentionem, nisi fortuna Reip: amica fatum avertisset. Tum quoq; Reip: Polonæ periculosum imprimis esse, illum habere Regem, quem suâ naturâ insolentem potentia propria, & opportunitas Regionum, quas Poloniæ vicinas possidet, ad vasta consilia, dominandiq; cupiditatem impellerent. Atqui non hîc immoderata hujus Regis libido substitit, quin ulterius glisceret, cum, inconsultâ Republicâ, bellum inchoaret, atq; ita certissimi num summi Imperij pignus & palladium, quod in jure belli ac pacis maximè conspicitur, arriperet. Nobis enim, qui æternam cum Inclyta Republica Polona Pacem habemus, Pactis Olivenfisibus & Sanctissimo utriusq; partis jurejurando confirmatam, dolosè & sine ulla justa causa, nefaria intulit arma. Cum amicitiam quàm

maximè simularet, oblato etiam arctiore fœdere, in media pace, cum Nos tranquillè ageremus, confisi Pactis cum Republica initis, improvise ex Lithuania irrumpens; Provincias Nostras hostiliter invasit ac devastavit; munimenta quædam ex insidijs occupavit, Commercium & Navigationem cum insigni utriusq; Nationis damno & jactura sustulit; Civesq; Nostros ad seditionem allexit; tracto in societatem perfido Moscorum Czaro, ut furentis instar Oceani, imparatos Nos, & nihil mali suspicantes, uno impetu obrueret attereretq;. Quod Consilium ejus eò maximè tendebat, ut, occupatâ Livoniâ, dominationis arcem ibi fundaret, &, urgente ab altera parte Saxoniâ, Rempublicam Polonam quasi compede vinctam teneret; præsertim cum diuturno bello Turcico vires nondum collegisset. Sed cæleste Numen, quod perjuriam & injusta bella abominatur, cum Nobis, tum amicæ Genti Polonæ propitium, destituit impias machinationes, superbamq; Ducis Saxoniæ potentiam per Nos ita fregit & disjecit, ut fusus & dispersus exercitus ejus, non tantum è Nostris, sed etiam è Reipublicæ finibus, cum magna trepidatione excederet. Ut igitur Inclyta hæc Respublica, per victricia arma Nostra, copijs Saxonibus jam liberata, à metu quoq; Regis sibi gravissimi, eorumq; insidijs, quos partim ob privatum commodum, partim ex animo Libertati Polonæ infenso, faventes sibi habet, in perpetuum liberetur; atq; in pristino statu collocata, de læsionibus jurium suorum, de Pactis Conventis toties conculcatis, de improborum Civium prævaricationibus, juxta clarissimam Reip: Legem, quæ Cives jurejurando & obsequio solvit, cum Pacta Conventa à Regibus violantur, in judicium cum illo & affectis ejus ire possit, resq; suas adversus ejusmodi molimina in posterum firmare; in Poloniam Nos cum robore Exercitus Nostrum intravimus, cum subnixi justissima causa & omnium Gentium jure, quod vim vi repellere sinit, hostemq; ubicunq; recipitur & moratur, insectari; tum pleni fiducia, ob propensissimum Nostrum erga Inclytam Rempublicam animum, obq; fœdera sanctè & integrè à Nobis culta, atrocissimarum injuriarum & gravissimorum damnorum, quæ à fœdifrago Rege passi sumus, eam simul habitum iri rationem, ut, amoto omnium malorum, quæ Nostrum & Polonicum Regnum hodie affligunt, capite, satisfactio justa Nobis contingat. Neq; enim, quamdiu ille Reip: præest, securitatem ullam Nobis polliceri possumus, quem tot argumentis jam experti sumus fidem & jusjurandum nihili facere, neq; prius nocendi animum deponere, quam nocendi facultas ei adimatur. Tum quoq; spes est, utrumq; Regnum & firmiori amicitia nexu adstringi, & pacem tranquillitatemq; posse invenire. Recordabitur quoq; Respublica Sangvinem Antecessorum Nostrorum in Jagellonicam domum transfusum, adq; Sceptrum Inclyti hujus Regni proVectum, unde jura Reipublicæ Polonæ maximam partem sunt profecta: illa Nos protegere & facta tecta conservare omnibus viribus annitemur. Hujus in Rempublicam animi & constantia pignora nuper dedimus, cum per Comitem Konigsmarchiam, & mox Vistumium, Aulicum suum, exclusâ Republicâ, secretam Pacem Rex Poloniæ offerret. Exoticas has personas, quas

in diminutionem Illustrissimorum Legatorum, cum ingentibus promissis tacite ad Nos miserat, ne in conspectum quidem Nostrum admittere voluimus, tanto minus quidquam, quod per illas potuissimus de Reip: fundis lucrari. Quapropter cum ad persequendum Regem hunc, qui, fracto dolose foedere, primum per exercitum suum Saxonicum, deinde per Oginscium & Visnovicium, hostiliter Nos aggressus est, intolerabilibusq; damnis affecit, ulterius procedere coacti sumus; presentibus hisce publice manifestamus & profiteamur, quod nihil hostilitatis Reipublicae Polonae, aut Nobilitati, ejusdemq; bonis, juribus ac Privilegijs inferre, neq; Regnum affectare, neq; de illo decerpere quidquam, neq; aliam quampiam Personam in Regem eligendam proponere meditamur, intendimus vel cogitamus: sed ut Incluta haec Respublica gravi sibi suisq; juribus dominio, sese liberare, obedientiam perjuro ac foedifrago Regi renunciare, & aliam, quem voluerit Regem, liberis ac concordibus suffragijs, juxta suum beneplacitum eligere, Leges & consuetudines suas de libera Regis Electione laesas, & alia jura sub regimine praesenti infracta restaurare, justitiam exulantem revocare, ejusq; administrationem, ne vi, nec caedibus, sed jure inter se experiantur Cives ejus, ad antiquum usum reducere queat ac valeat. Hisce saluberrimis Consilijs si Rempublicam favere intelligimus, Nos, ijs feliciter peractis, quorum gratiam huc accessimus, sine ulla mora ac impensarum exactione, Exercitum Nostrum ex finibus Reipublicae parati erimus reducere, aut, pacto foedere, si ita visum fuerit, in eam plagam convertere, unde utriq; Regno emolumentum accrescat. Hanc addimus conditionem, ut annona pro Exercitu Nostrum transituro, vel consistente, tam diu concedatur & comportetur, ne Miles ad comitum capiendum necessitatem habeat excurrendi, atq; aded ob exactiones querimonijs ansam praebet. Quam ordinatione facta, pro modestia Militis Nostrum, qui summam disciplinam & severissimis mandatis Nostris coercitus est, spondere non dubitamus. In quorum omnium pleniorum fidem, praesentes hasce manu Nostra subscriptas, Sigillo Nostrum Regio muniri jussimus. Dabantur ad Ouroviam die 16 Maij Anno Domini 1702.

Carolus

BIBLIOTHECA
VNIV. IAGELL.
GRACOVENSIS

